

## قُدْرَتِ عِيسَى مَسِيحِ دَ سِرِ طُوفَانِ وَ جِنِيَاتِ

يَگِ رُوزِ حَضْرَتِ عِيسَى خُنِ يَارَايِ خُو دَ يَگِ كِشْتِي رِيْزِه سُوَارِ شُدِه دَزُوَا كُفْتِ: "بَيِيدِ كِه دَ اُو لَبِ دَرِيَايِ جَلِيلِيه بُوْرِي." و اُوْنَا رِيِي شُد. غِيْتِيكِه كِشْتِي دَرُو مُوْرَفْتِ حَضْرَتِ عِيسَى خَاو رَفْت. و يَگِ طُوفَانِ تِيْزِ اَمْدِ، تَا حَدِي كِه كِشْتِي اَز اُو پُر مُوَشُدِ و اُوْنَا دَ خَطْرِ غَرَقِ شُدُو بُوْد. اُوخْتِه، اُوْنَا حَضْرَتِ عِيسَى رِه بَيِدَارِ كَدِه كُفْتِ: "اُسْتَادِ، اُسْتَادِ! مُو غَرَقِ مُوَشِي."

حَضْرَتِ عِيسَى بَالِ شُدِه طُوفَانِ رِه هَيِبَتِ كَدِ، تَا اِيَسْتِه شُنِه، و طُوفَانِ اَرَامِ شُد. پَسِ حَضْرَتِ عِيسَى اَز يَارَايِ خُو پُرْسَانِ كَدِ: "اِيْمَانِ شُمُو كُجَا شُدِه؟" و اُوْنَا حَيْرَتِ زَدِه قَدِ يَكْدِيْگِه خُو مُوْگُفْتِ: "اِي چِي رَقْمِ اَدَمِ اسْتِه كِه حَتِي بَادِ و اُو رِه حُكْمِ مُوْنِه و اُوْنَا اَز اَيِدِ شِي مُوَشِه."

بَعْدِ اَزُو كِه حَضْرَتِ عِيسَى طُوفَانِ دَرِيَايِ جَلِيلِيه رِه اَرَامِ كَدِ

أَوْ قَدْ يَارَايْ خُو سُنْ شَرَقِ دَرِيَا رَفْتِ وَ أُونَا دَ خُشْكَي دَ مَنْطَقَه  
كَرْسِينِ رَسِيدِ. زِيَادِي مَرْدُمُ كَه دَ أَوْ عِلَاقَه زِنْدَگِي مُوَكْدِ اَز  
بَنِي إِسْرَائِيلِ وَ حَتَّى اَز أَوْلَادِهِ حَضْرَتِ إِبْرَاهِيمِ أُمِ نَبُودِ.

أَمُو جَاي كَه أُونَا تَا شُدِه بُوَد غَارِ غَارِ بُوَد كَه بَلْدَه دَفْنِ  
كَدُونِ مُرْدَه هَا إِسْتِعْمَالِ مُوشُدِ.

دَمُو لِحْظَه كَه حَضْرَتِ عَيْسَى اَز كِشْتِي تَا شُدِ يَكِ أَدَمِ جِنْدِي  
اَز مَنْعِ غَارِ بَرُ شُدِ. أَوْ دَ بَيْنِ أَمْرُو غَارَا زِنْدَگِي مُوَكْدِ، هَر  
طَرَفِ لُوجِ مِيگِشْتِ وَ جِيغِ زَدَه جَانِ خُو رَه قَدِ سَنَگَايِ تِيَزِ  
خُونِ مُوَكْدِ.

مَرْدُمِ اَمْرُو آغِيلا يَكْسَرَه كُوشِشِ مُوَكْدِ كَه أَوْ رَه قَدِ زَنْجِيرِ  
بَسْتَه كُنَه، مَگَمِ أَوْ كَلُو زُورِ دَشْتِ، زَنْجِيرَا رَه مَيِدَه مُوَكْدِ وَ  
هَيْتِ كَسِ أَوْ رَه دُورِ دَدَه نَمِيْتَنِسْتِ.

وَخْتِيكَه أَوْ حَضْرَتِ عَيْسَى رَه هُوشِ كَدِ اَوْخْتَه، چِيغِ زَدَه خُودِ

ره دَ پيشِ پای شی آندخت. عیسی مسیح جنیات ره آمر کد  
که ازو نفر بُر شنه.

اوخته او جیغ زد: ”او عیسی، بچه روحانی خدای مُتعال! دزمه چی غرض دری؟ پيش تو عُذر مُوکنم که مره عذاب نکنی.“

حضرت عیسی پُرسان کد: ”نام تو چی یه؟“

او گُفت: ”لشکر.“ ازی که غدر جن دَ پوست و جان ازو دَر آمده بُود.

جنیات دَ پيشِ حضرت عیسی دَ زاری کدو شد: ”موره دَ دوزخ نندز. اگه میخایی که موره ازی آدم بُر کُنی، اجازه بدی که دمزو گله خُوگی که دَ بله آموزو تپه استه، داخل شنی.“

حضرت عیسیٰ امر کد: ”بورید.“

اوخته، جنیات ازو آدم بر شُده دَ گَلَه خُوک داخِل شُد و تمام گَلَه تور خورده از سر کوه خودگون خُوره دَ مَنه جهیل پورته کد و تمام شی غرق شُد.

وختیکه چوپونو ای ره دید، اونا دُتا کده خبر ره دَ شار و آغیلای اطراف تیت کد و تمام مردُم دَ اُونجی رفت که چی گپ استه. مردُم که دَ پیش حضرت عیسیٰ رسید، دید که امُو آدم دیونه از شر جنیات خلاص شُده دَ هُوش آمده و کالا دَ جان شی دَ پیش پای حضرت عیسیٰ شِشته.

کسای که ای کار ره دَ چیم خُو دیده بُوَد، دَ دیگا نقل کد که چطور امُو آدم دیونه دوباره جور شُد. اوخته، تمام مردُم از حضرت عیسیٰ خاست که از مینکل ازوا بوره چراکه اونا غدر ترسیده بود.

حضرتِ عیسیٰ دَ کِشْتی سوار شُد که پَس بوره و اُمُو آدمی که  
از شَرِ جِنیاتِ خلاص شده بُود دَ پیش شی زاری کد که اُو ره  
اُمِ قَد خُو بُبره.

مگم حضرتِ عیسیٰ گُفت: ”پَس دَ خانه خُو بورُو و اونا ره  
بُگی که چی یک کومکِ بزرگِ خُدا بلده تُو کده.“

اُوخته، اُو دَ تمامِ شارای اطرافِ ازُو علاقه رفته دَ مینکل  
مردُمِ اِعلان کد که حضرتِ عیسیٰ چی قَس کارِ کُنه بلده شی  
کده. هرکسی که ای توره ره شِنْد حَیرو شُدِه مَند.